

什邡縣志卷四十一

流寓志

宋

程顥字伯淳弟頤字正叔河南人父珣守廣漢顥與頤皆隨侍嘗遊成都見治篋籬桶者挾冊吟誦就視之則易也因論未濟顥兄弟爽然有悟後歸洛語袁滋曰易學在蜀滋入成都見賣醬薛翁與語大悅見古志錄又漢州志云漢州開元寺前有講道臺基址伊川有爲家君作試漢州學策策問三

■什邡縣志

卷四十一

流寓

一

道  
志史

考今高景關內有二程夫子讀書處名雪門寺按當時什邡隸漢州夫子父守漢州關內之地本屬治下二先生習靜窮經理所應有今其地背關面嶺夏可涼冬可燠篋叟桶匠山中所有古有洛通鎮近在關下醬翁固亦有之本傳稱遊成都者據河南而言應舉川中總統也後之覽者拘於字面又不知此處有讀書之跡意必以錦城當之孰知其地之於斯爲確乎又按來

瞿唐日錄述此事云在涪考夫子父珣牧漢州  
在仁宗朝淵源錄載二先生侍父在漢時同遊  
一寺明道入門而右伊川入門而左其從者皆  
隨明道去伊川曰此是予不及家兄處則二子  
同侍無疑也後神宗元豐八年乙丑六月程顥  
卒哲宗紹聖四年丁丑安置程頤於涪州叔子  
在涪距伯子之卒已十有三年矣何得云兄弟  
爽然有悟徽宗大觀元年丁亥九月程頤卒年  
七十五據此則先生乃寶元間人也當與伯子  
年相上下恰與侍任廣漢少年有悟之語時日  
符合以此證之較爲的實

乾隆十二年  
朱音恬識

### 國朝

徐溥字淵泉陝西寶雞賈村人通五經性理諸書父  
母早喪年二十餘以荒歉入川落魄綿竹郝貢李  
元先知其有學諭郝人請爲閭師溥遂安之訓課  
之餘焚膏繼晷殫心關閩之書常默默不語或對  
客忘餐或終夜兀坐達旦時學校之士苦無名師  
郝人得溥樂從者甚衆自是遠近知名 撫軍能

■什  
■郝  
■縣  
■志

卷四十一 流寓

二

大中丞聞之延課其子溥性倨傲落落難合不逾年辭歸邠人聞溥至喜出望外凡高捷之士莫不從遊年六十餘猶孜孜溫繹經史不少自曠康熙五十八年語門人曰我明年有事惟周易尙生還須溫習次春果讀至說卦章而卒平日教人之法以養心爲事以靜悟爲功以反身自得爲證驗卒葬永安鄉大墓山之側離城二十二里門人周洪澤爲立石

史志

畢子賓塾江人狀貌魁梧言詞倜儻隨子來什入籍

■什  
■邠  
■縣  
■志

卷四十一

流寓

三

博洽多聞生平好講經濟之學喜詩詞性嗜香醪三觴耳熱矢口成章下筆頃刻十數首若不見酒卽絕口不吟曾有自稱眞處士人號老狂夫及丈夫從不受人憐之語徜徉爽邁以此自終嘗著有莊列眞判一書後皆散佚無傳

史志